

# 药师琉璃光如来本愿功德经

## 香赞

炉香乍爇，法界蒙熏，诸佛海会悉遥闻，随处结祥云，诚意方殷，诸佛现全身。

南无香云盖菩萨摩訶萨！（三称）

南无本师释迦牟尼佛！（三称）

## 净口业真言

唵，修唎修唎，摩诃修唎，修修唎，萨婆诃。

## 净意业真言

唵，嚩日啰怛诃贺斛。

## 净身业真言

唵，修多唎，修多唎，修摩唎，修摩唎，萨婆诃。

## 净三业真言

唵，娑嚩婆嚩秫驮，娑嚩达摩娑嚩，娑嚩秫度憾。

## 安土地真言

南无三满多，母驮喃，唵，度噜度噜地尾娑婆诃。

## 普供养真言

唵，誝誝曩，三婆嚩，伐日啰斛。

## 发愿文

稽首三界尊 皈依十方佛  
我今发宏愿 持此药师经

上报四重<sup>zhòng</sup>恩 下济三涂苦  
若有见闻者 悉发菩提心  
尽此一报身 同生琉璃国  
亲覲<sup>jìn</sup>大慈父 殷勤闻真谛  
学习狮子吼 回返<sup>suō</sup>娑婆地  
度众脱苦海 弘法利群迷

### 奉请十二药叉大将（合掌）

奉请	宫毗 <sup>pí</sup> 罗大将	奉请	伐折罗大将
奉请	迷企罗大将	奉请	安底罗大将
奉请	頹 <sup>è</sup> 你罗大将	奉请	珊底罗大将
奉请	因达罗大将	奉请	波夷罗大将
奉请	摩虎罗大将	奉请	真达罗大将
奉请	招杜罗大将	奉请	毗 <sup>pí</sup> 羯 <sup>jié</sup> 罗大将

### 药师赞

十二大愿，饶益有情，密咒加持德难名，礼念愿圆成，怨业冰清，寿永福慧宏。

南无药师琉璃光如来！（三称）

南无药师会上佛菩萨！（三称）

### 开经偈

无上甚深微妙法 百千万劫难遭遇  
我今见闻得受持 愿解如来真实义

# 药师琉璃光如来本愿功德经

zàng zàng  
唐三藏法师玄奘奉 诏译

如是我闻。一时，薄伽梵游化诸国，至广严城，住乐音树下。与大苾刍众八千人俱，菩萨摩訶萨三万六千及国王，大臣，婆罗门，居士，天，龙，药叉，人，非人等，无量大众，恭敬围绕，而为说法。

尔时，曼殊室利法王子，承佛威神，从座而起，偏袒一肩，右膝著地，向薄伽梵，曲躬合掌。白言，世尊，惟愿演说如是相类诸佛名号，及本大愿殊胜功德，令诸闻者业障消除，为欲利乐像法转时诸有情故。

尔时，世尊赞曼殊室利童子言，善哉，善哉。曼殊室利，汝以大悲，劝请我说诸佛名号，本愿功德，为拔业障所缠有情，利益安乐像法转时诸有情故。汝今谛听，极善思惟，当为汝说。

曼殊室利言，唯然。愿说，我等乐闻。

佛告曼殊室利，东方去此，过十殑伽沙等佛土，有世界名净琉璃。佛号药师琉璃光如来，应，正等觉，明行圆满，善逝，世间解，无上士，调御丈夫，天人师，佛，薄伽梵。曼殊室利，彼世尊药师琉璃光如来，本行菩萨道时，发十二大愿，令诸有情，所求皆得。

第一大愿，愿我来世得阿耨多罗三藐三菩提时，自

身光明炽然，照耀无量无数无边世界，以三十二大丈夫相，八十随形，庄严其身，令一切有情，如我无异。

第二大愿，愿我来世得菩提时，身如琉璃，内外明彻，净无瑕秽，光明广大，功德巍巍，身善安住，焰网庄严，过于日月。幽冥众生，悉蒙开晓，随意所趣，作诸事业。

第三大愿，愿我来世得菩提时，以无量无边智慧方便，令诸有情，皆得无尽所受用物，莫令众生有所乏少。

第四大愿，愿我来世得菩提时，若诸有情行邪道者，悉令安住菩提道中。若行声闻独觉乘者，皆以大乘而安立之。

第五大愿，愿我来世得菩提时，若有无量无边有情，于我法中修行梵行，一切皆令得不缺戒，具三聚戒。设有毁犯，闻我名已，还得清净，不堕恶趣。

第六大愿，愿我来世得菩提时，若诸有情，其身下劣，诸根不具，丑陋，顽愚，盲，聋，暗，哑，挛，跛，背偻，白癞，癡狂，种种病苦。闻我名已，一切皆得端正黠慧，诸根完具，无诸疾苦。

第七大愿，愿我来世得菩提时，若诸有情，众病逼切，无救无归，无医无药，无亲无家，贫穷多苦。我之名号，一经其耳，众病悉除，身心安乐，家属资具，悉

皆丰足，乃至证得无上菩提。

第八大愿，愿我来世得菩提时，若有女人，为女百恶之所逼恼，极生厌离，愿舍女身。闻我名已，一切皆得转女成男，具丈夫<sup>xiàng</sup>相，乃至证得无上菩提。

第九大愿，愿我来世得菩提时，令诸有情，出魔<sup>juàn</sup>冒网，解脱<sup>xiè</sup>一切外道缠缚。若堕<sup>duò</sup>种种恶见稠林，皆当引摄置于正见，渐令修习诸菩萨<sup>hèng</sup>行，速证无上正等菩提。

第十大愿，愿我来世得菩提时，若诸有情，王法所录，绳缚<sup>fù biān tà</sup>鞭挞，系闭牢狱，或当刑戮<sup>lù</sup>，及余无量灾难陵辱，悲愁煎逼，身心受苦。若闻我名，以我福德威神力故，皆得解脱<sup>xiè</sup>一切忧苦。

第十一大愿，愿我来世得菩提时，若诸有情，饥渴所恼，为求食故，造诸恶业。得闻我名，专念受持，我当先以上妙饮食饱足其身，后以法味毕竟安乐而建立之。

第十二大愿，愿我来世得菩提时，若诸有情，贫无衣服，蚊虻<sup>méng</sup>寒热，昼夜逼恼。若闻我名，专念受持，如其所好<sup>hào</sup>，即得种种上妙衣服，亦得一切宝庄严具，华鬘<sup>huā mán</sup>涂香，鼓乐众伎，随心所玩，皆令满足。

曼殊室利，是为彼世尊药师琉璃光如来，应，正等觉，行菩萨道时，所发十二微妙上愿。

复次，曼殊室利，彼世尊药师琉璃光如来，行菩萨

道时所发大愿，及彼佛土功德庄严，我若一劫，若一劫余，说不能尽。然彼佛土，一向清静，无有女人，亦无恶趣及苦音声。琉璃为地，金绳界道，城阙，宫阁，轩窗，罗网，皆七宝成。亦如西方极乐世界，功德庄严，等无差别。于其国中，有二菩萨摩訶萨，一名日光遍照，二名月光遍照，是彼无量无数菩萨众之上首，次补佛处，悉能持彼世尊药师琉璃光如来正法宝藏。是故，曼殊室利，诸有信心善男子，善女人等，应当愿生彼佛世界。

尔时，世尊复告曼殊室利童子言，曼殊室利，有诸众生，不识善恶，唯怀贪吝，不知布施及施果报。愚痴无智，阙于信根，多聚财宝，勤加守护。见乞者来，其心不喜，设不获已而行施时，如割身肉，深生痛惜。复有无量悭贪有情，积集资财，于其自身尚不受用，何况能与父母，妻子，奴婢，作使及来乞者。彼诸有情，从此命终，生饿鬼界，或旁生趣。由昔人间，曾得暂闻药师琉璃光如来名故，今在恶趣，暂得忆念彼如来名，即于念时，从彼处没，还生人中。得宿命念，畏恶趣苦，不乐欲乐，好行惠施，赞叹施者。一切所有悉无贪惜，渐次尚能以头目手足，血肉身分，施来求者，况余财物。

复次，曼殊室利，若诸有情，虽于如来受诸学处，而破尸罗。有虽不破尸罗，而破轨则。有于尸罗，轨则，

虽得不坏，然毁正见。有虽不毁正见，而弃多闻，于佛所说契经深义，不能解了。有虽多闻而增上慢，由增上慢覆蔽心故，自是非他，嫌谤正法，为魔伴党。如是愚人，自行邪见，复令无量俱胝有情，堕大险坑。此诸有情，应于地狱，旁生，鬼趣，流转无穷。若得闻此药师琉璃光如来名号，便舍恶行，修诸善法，不堕恶趣。设有不能舍诸恶行，修行善法，堕恶趣者，以彼如来本愿威力，令其现前暂闻名号，从彼命终，还生人趣，得正见精进，善调意乐，便能舍家，趣于非家，如来法中，受持学处，无有毁犯，正见多闻，解甚深义，离增上慢，不谤正法，不为魔伴，渐次修行诸菩萨行，速得圆满。

复次，曼殊室利，若诸有情，慳贪嫉妒，自赞毁他，当堕三恶趣中，无量千岁受诸剧苦。受剧苦已，从彼命终，来生人间，作牛，马，驼，驴，恒被鞭撻，饥渴逼恼，又常负重，随路而行。或得为人，生居下贱，作人奴婢，受他驱役，恒不自在。若昔人中，曾闻世尊药师琉璃光如来名号，由此善因，今复忆念，至心归依。以佛神力，众苦解脱，诸根聪利，智慧多闻，恒求胜法，常遇善友，永断魔胃，破无明壳，竭烦恼河，解脱一切生，老，病，死，忧愁，苦恼。

复次，曼殊室利，若诸有情，好喜乖离，更相斗讼，

恼乱自他，以身，语，意，造作增长种种恶业，展转常为不饶益事，互相谋害。告召山林树<sup>zhǒng</sup>冢等神，杀诸众生，取其血肉，祭祀<sup>sì</sup>药叉，罗刹<sup>chà</sup>婆等。书怨人名，作其形像，以恶咒术而咒诅之。厌魅<sup>mèi</sup>蛊道，咒起尸鬼，令断彼命，及坏其身。是诸有情，若得闻此药师琉璃光如来名号，彼诸恶事，悉不能害。一切展转皆起慈心，利益安乐，无损恼意及嫌恨心，各各欢悦，于自所受生于喜足，不相侵陵，互为饶益。

复次，曼殊室利，若有四众，苾刍<sup>bì chū</sup>、苾刍尼<sup>bì chū</sup>、邬波索迦<sup>jiā</sup>、邬波斯迦<sup>jiā</sup>，及余净信善男子，善女人等，有能受持八分斋戒，或经一年，或复三月，受持学处，以此善根，愿生西方极乐世界无量寿佛所，听闻正法，而未定者。若闻世尊药师琉璃光如来名号，临命终时，有八大菩萨，其名曰文殊师利菩萨，观世音菩萨，得大势菩萨，无尽意菩萨，宝檀华<sup>tán huā</sup>菩萨，药王菩萨，药上菩萨，弥勒菩萨。是八大菩萨<sup>chéng</sup>，乘空而来，示其道路，即于彼界种种杂色众宝<sup>huā</sup>华中，自然化生。或有因此生于天上，虽生天上，而本善根亦未穷尽，不复更生诸余恶趣。天上寿尽，还生<sup>huán</sup>人间，或为轮王统摄四洲，威德自在，安立无量百千有情于十善道。或生刹帝利<sup>chà</sup>，婆罗门，居士，大家，多饶财宝，仓库盈溢，形相<sup>xiàng</sup>端正，眷属具足，聪明智慧，勇

健威猛，如大力士。若是女人，得闻世尊药师琉璃光如来名号，至心受持，于后不复更受女身。

复次，曼殊室利，彼药师琉璃光如来得菩提时，由本愿力，观诸有情，遇众病苦，瘦挛，<sup>luán gān</sup>干消，黄热等病。或被<sup>yǎnmèi</sup>魘魅蛊毒所中。或复短命，或时<sup>hèng</sup>横死，欲令是等病苦消除，所求愿满。

时彼世尊入三摩地，名曰除灭一切众生苦恼。既入定已，于肉髻<sup>jì</sup>中出大光明，光中演说大陀罗尼曰。

<sup>nā mó qié pí jù bì lǎ là shé</sup>南无薄伽伐帝。鞞杀社。娑嚕薜琉璃。钵喇婆。喝啰阇也。<sup>dá tuō là miǎo bó dá zhí tuō</sup>怛他揭多耶。阿啰喝帝。三藐三勃陀耶。怛姪他。唵。<sup>pí pí pí mò suō</sup>鞞杀逝。鞞杀逝。鞞杀社。三没揭谛莎诃。

尔时，光中说此咒已，大地震动，放大光明，一切众生病苦皆除，受安<sup>wǎn lè</sup>隐乐。

曼殊室利，若见男子，女人有病苦者，应当一心，为彼病人，常清静澡漱<sup>shù</sup>，或食，或药，或无虫水，咒一百八遍，与彼服食，所有病苦，悉皆消灭。若有所求，至心念诵，皆得如是无病延年。命终之后，生彼世界，得不退转，乃至菩提。是故曼殊室利，若有男子女人，于彼药师琉璃光如来，至心殷<sup>zhòng</sup>重恭敬供养者，常持此咒，勿令废忘。

复次，曼殊室利，若有净信男子，女人，得闻药师

琉璃光如来，应，正等觉，所有名号，闻已诵持。晨嚼<sup>jiáo</sup>齿木，澡漱<sup>shù</sup>清淨，以诸香花，烧香，涂香，作众伎乐<sup>jì yuè</sup>，供养形像。于此经典，若自书，若教人书，一心受持，听闻其义。于彼法师，应修供养，一切所有资身之具，悉皆施与，勿令乏<sup>shǎo</sup>少。如是便蒙诸佛护念，所求愿满，乃至菩提。

尔时，曼殊室利童子白佛言，世尊，我当誓于像法转时，以种种方便，令诸净信善男子，善女人等，得闻世尊药师琉璃光如来名号。乃至睡中，亦以佛名觉悟其耳。世尊，若于此经受持读诵。或复为他演说开示。若自书，若教人书。恭敬尊重，以种种华香<sup>huā</sup>，涂香，末香，烧香，华鬘<sup>mán yīngluò</sup>，瓔珞，幡盖<sup>jì yuè</sup>，伎乐而为供养。以五色彩，作囊<sup>nángchéng</sup>盛之。洒扫淨处，敷设高座，而用安处。尔时，四大天王与其眷属，及余无量百千天众，皆诣<sup>yì</sup>其所，供养守护。世尊，若此经宝流行之处，有能受持，以彼世尊药师琉璃光如来本愿功德，及闻名号，当知是处无复<sup>hèng</sup>横死，亦复不为诸恶鬼神夺其精气。设已夺者，还<sup>huán</sup>得如故，身心安乐。

佛告曼殊室利，如是如是，如汝所说。曼殊室利，若有净信善男子，善女人等，欲供养彼世尊药师琉璃光如来者，应先造立彼佛形像，敷清淨座而安处之。散种

种<sup>huā</sup>华，烧种种香，以种种<sup>chuángfān</sup>幢幡庄严其处。七日七夜，受八分斋戒，食清净食，澡浴香洁，著<sup>zhuó</sup>新净衣，应生无垢<sup>gòuzhuó</sup>浊心，无怒害心，于一切有情，起利益安乐，慈，悲，喜，舍，平等之心。鼓<sup>yuè</sup>乐歌赞，右绕佛像。复应念彼如来本愿功德，读诵此经，思惟其义，演说开示。随所<sup>yào</sup>乐求，一切皆遂。求长寿得长寿，求富饶得富饶，求官位得官位，求男女得男女。若复有人，忽得恶梦，见诸恶<sup>xiàng</sup>相，或怪鸟来集，或于住处，百怪出现。此人若以众妙资具，恭敬供养彼世尊药师琉璃光如来者，恶梦恶<sup>xiàng</sup>相，诸不吉祥，皆悉<sup>yīn</sup>隐没，不能为患。或有水，火，刀，毒，悬险，恶象，狮子，虎，狼，熊，罴<sup>pí</sup>，毒蛇，恶蝎，蜈蚣，蚰蜒<sup>yóuyán</sup>，蚊虻<sup>méng</sup>等怖。若能至心忆念彼佛，恭敬供养，一切怖畏皆得<sup>xiè</sup>解脱。若他国侵扰，盗贼反乱，忆念恭敬彼如来者，亦皆<sup>xiè</sup>解脱。

复次，曼殊室利，若有净信善男子，善女人等，乃至尽形不事余天，唯当一心归佛，法，僧，受持禁戒。若五戒，十戒，菩萨四百戒，苾刍<sup>bì chū</sup>二百五十戒，苾刍尼<sup>bì chū</sup>五百戒，于所受中或有毁犯，怖堕恶趣，若能专念彼佛名号，恭敬供养者，必定不受三恶趣生。或有女人，临当产时，受于极苦。若能至心称名礼赞，恭敬供养彼如来者，众苦皆除。所生之子，身分<sup>fèn</sup>具足，形色端正，见

者欢喜，利根聪明，安<sup>wěn</sup>隐少病，无有非人夺其精气。

尔时，世尊告阿难言，如我称扬彼世尊药师琉璃光如来所有功德，此是诸佛甚深行处，难可解了，汝为信不<sup>fǒu</sup>。

阿难白言，大德世尊。我于如来所说契<sup>qì</sup>经，不生疑惑，所以者何。一切如来，身，语，意，业，无不清净。世尊，此日月轮可令<sup>duò</sup>堕落，妙高山王可使倾动，诸佛所言无有异也。世尊，有诸众生，信根不具，闻说诸佛甚深行处，作是思惟。云何但念药师琉璃光如来一佛名号，便获尔所功德胜利。由此不信，返生<sup>bàng</sup>诽谤。彼于长夜，失大利<sup>lè</sup>乐，<sup>duò</sup>堕诸恶趣，流转无穷。

佛告阿难，是诸有情，若闻世尊药师琉璃光如来名号，至心受持，不生疑惑，堕恶趣者，无有是处。阿难，此是诸佛甚深所行，难可信解。汝今能受，当知皆是如来威力。阿难，一切声闻，独觉及未登地诸菩萨等，皆悉不能如实信解，唯除一生所系菩萨。阿难，人身难得。于三宝中，信敬尊重，亦难可得。闻世尊药师琉璃光如来名号，复<sup>nán</sup>难<sup>nán</sup>于是。阿难，彼药师琉璃光如来，无量菩萨行，无量善巧方便，无量广大愿。我若一劫，若一劫余而广说者，劫可速尽，彼佛行愿，善巧方便，无有尽也。

尔时，众中有一菩萨摩訶萨，名曰救脱，即从座起，

piāntǎn zhuó  
偏袒右肩，右膝著地，曲躬合掌，而白佛言。大德世尊，  
lái  
像法转时，有诸众生，为种种患之所困厄，长病羸瘦，  
gān xiàng  
不能饮食，喉唇干燥，见诸方暗，死相现前，父母，亲  
yǎn  
属，朋友，知识，涕泣围绕。然彼自身，卧在本处，见琰  
yǎn  
魔使，引其神识，至于琰魔法王之前。然诸有情，有俱  
yǎn  
生神，随其所作，若罪若福，皆具书之，尽持授与琰魔  
法王。尔时，彼王推问其人，计算所作，随其罪福而处  
断之。时，彼病人亲属，知识，若能为彼归依世尊药师  
琉璃光如来，请诸众僧，转读此经，燃七层之灯，悬五  
fān huán  
色续命神幡，或有是处，彼识得还。如在梦中，明了自  
见。或经七日，或二十一日，或三十五日，或四十九日，  
huán  
彼识还时，如从梦觉，皆自忆知善不善业所得果报。由  
nàn  
自证见业果报故，乃至命难，亦不造作诸恶之业。是故，  
净信善男子，善女人等，皆应受持药师琉璃光如来名号，  
随力所能，恭敬供养。

尔时，阿难问救脱菩萨曰，善男子，应云何恭敬供  
fān  
养彼世尊药师琉璃光如来。续命幡灯，复云何造。

救脱菩萨言，大德，若有病人，欲脱病苦，当为其  
人，七日七夜，受持八分斋戒。应以饮食及余资具，随  
bì chū  
力所办，供养苾刍僧，昼夜六时，礼拜行道。供养彼世  
尊药师琉璃光如来。读诵此经四十九遍，燃四十九灯。

造彼如来形像七躯，一一像前各置七灯，一一灯量大如车轮，乃至四十九日，光明不绝。造五色彩幡，长四十九搩手，应放杂类众生至四十九，可得过度危厄之难，不为诸横恶鬼所持。

复次，阿难。若刹帝利，灌顶王等，灾难起时，所谓人众疾疫难，他国侵逼难，自界叛逆难，星宿变怪难，日月薄蚀难，非时风雨难，过时不雨难。彼刹帝利灌顶王等，尔时应于一切有情起慈悲心，赦诸系闭。依前所说供养之法，供养彼世尊药师琉璃光如来。由此善根及彼如来本愿力故，令其国界即得安稳，风雨顺时，谷稼成熟，一切有情，无病欢乐。于其国中，无有暴恶药叉等神恼有情者，一切恶相皆即隐没。而刹帝利灌顶王等，寿命色力，无病自在，皆得增益。阿难，若帝后妃主，诸君王子，大臣辅相，中宫嫔女，百官黎庶，为病所苦，及余厄难，亦应造立五色神幡，燃灯续明，放诸生命，散杂色华，烧众名香，病得除愈，众难解脱。

尔时，阿难问救脱菩萨言，善男子，云何已尽之命而可增益。

救脱菩萨言，大德，汝岂不闻如来说有九横死耶。是故劝造续命幡灯，修诸福德，以修福故，尽其寿命，不经苦患。

阿难问言，九横云何。

救脱菩萨言，若诸有情，得病虽轻，然无医药及看病者，设复遇医，授以非药，实不应死而便横死。又信世间邪魔，外道，妖孽之师，妄说祸福，便生恐动，心不自正，卜问觅祸，杀种种众生，解奏神明，呼诸魍魉，请乞福祐，欲冀延年，终不能得。愚痴迷惑，信邪倒见，遂令横死，入于地狱，无有出期，是名初横。二者，横被王法之所诛戮。三者，畋猎嬉戏，耽淫嗜酒，放逸无度，横为非人夺其精气。四者，横为火焚。五者，横为水溺。六者，横为种种恶兽所啖。七者，横堕山崖。八者，横为毒药，厌祷，咒诅，起尸鬼等之所中害。九者，饥渴所困，不得饮食而便横死。是为如来略说横死，有此九种。其余复有无量诸横，难可具说。

复次，阿难，彼琰魔王主领世间名籍之记，若诸有情，不孝五逆，破辱三宝，坏君臣法，毁于性戒。琰魔法王，随罪轻重，考而罚之。是故我今劝诸有情，燃灯造幡，放生修福，令度苦厄，不遭众难。

尔时，众中有十二药叉大将，俱在会坐。所谓：

宫毗罗大将，伐折罗大将，  
迷企罗大将，安底罗大将，  
𩇛你罗大将，珊底罗大将，

因达罗大将，波夷罗大将，  
摩虎罗大将，真达罗大将，  
招杜罗大将，毗羯罗大将。

此十二药叉大将，一一各有七千药叉以为眷属，同时举声白佛言。世尊，我等今者，蒙佛威力，得闻世尊药师琉璃光如来名号，不复更有恶趣之怖。我等相率，<sup>xiāng</sup>皆同一心，乃至尽形归佛，法，僧，誓当荷负一切有情，为作义利饶益安乐。随于何等村城国邑，空闲林中，若有流布此经，或复受持药师琉璃光如来名号，恭敬供养者，我等眷属卫护是人，皆使解脱一切苦难。<sup>xiè</sup>诸有愿求，<sup>nàn</sup>悉令满足。或有疾厄求度脱者，亦应读诵此经，以五色缕，<sup>lǚ</sup>结我名字，得如愿已，然后解结。

尔时，世尊赞诸药叉大将言，善哉，善哉。大药叉将，汝等念报世尊药师琉璃光如来恩德者，常应如是利益安乐一切有情。

尔时，阿难白佛言，世尊，当何名此法门，我等云何奉持。

佛告阿难，此法门名说药师琉璃光如来本愿功德，亦名说十二神将饶益有情结愿神咒，亦名拔除一切业障。<sup>bá</sup>应如是持。

时薄伽梵说是语已，诸菩萨摩訶萨，及大声闻，国

王，大臣，婆罗门，居士，天，龙，药叉，健达缚，阿素洛，揭路荼，紧捺洛，莫呼洛伽，人，非人等，一切大众，闻佛所说，皆大欢喜，信受奉行。

## 药师琉璃光如来本愿功德经

### 药师赞

药师佛延寿王。光临水月坛场。  
悲心救苦降吉祥。免难消灾障。  
忏悔众等三世罪。愿祈福寿绵长。  
吉星高照沐恩光。如意保安康。  
吉星高照沐恩光。如意保安康。

### 七佛灭罪真言

离婆离婆帝。求诃求诃帝。陀罗尼帝。尼诃啰帝。  
毗黎你帝。摩诃伽帝。真陵乾帝。娑婆诃。

### 补阙真言

南谟喝啰怛那，哆啰夜耶。佉啰佉啰。俱住俱住。  
摩啰摩啰。虎啰，吽。贺贺，苏怛拏，吽。泼抹拏，娑婆诃。

### 补阙圆满真言

唵，呼嚧呼嚧，社曳穆契娑诃。

### 赞偈

十二药叉大将。助佛宣宏。五色彩缕结其名。随愿

悉圆成。冤业冰消。福寿永康宁。

药师如来琉璃光 焰网庄严无等伦

无边行愿利有情 各遂所求皆不退

南无东方净琉璃世界消灾延寿药师佛！（合掌一称）

南无消灾延寿药师佛！（三称）

南无药师琉璃光如来！（三称）

南无日光遍照菩萨！（三称）

南无月光遍照菩萨！（三称）

南无药师会上佛菩萨！（三称）

### 解冤咒

解结解结解冤结，解了多生冤和业，  
洗心涤虑发虔诚，今对佛前求解结。  
药师佛，药师佛，消灾延寿药师佛，  
随心满愿药师佛。

### 消解病咒

唵，致哩哆，致哩哆，恹吒唎，娑婆诃。

### 普回向真言

唵，娑摩啰，娑摩啰。弭摩曩，萨缚诃。摩诃斫迦  
罗嚩吽。

### 回向偈

愿消三障诸烦恼 愿得智慧真明了

普愿罪障悉消除 二世常行菩萨道

炉香乍爇，法界蒙熏，诸佛海会悉遥闻，随处结祥云，诚意方殷，诸佛现全身。

南无香云盖菩萨摩訶萨！（三称）

### 称佛号

南无灵山会上佛菩萨！（三称）

南无常住十方佛！

南无常住十方法！

南无常住十方僧！

南无本师释迦牟尼佛！

南无消灾延寿药师佛！

南无极乐世界阿弥陀佛！

南无当来下生弥勒尊佛！

南无十方三世一切诸佛！

南无大智文殊师利菩萨！

南无大行普贤菩萨！

南无大愿地藏王菩萨！

南无大悲观世音菩萨！

南无大势至菩萨！

南无清静大海众菩萨！

南无护法韦驮尊天菩萨！

南无护法诸天菩萨！

南无伽蓝圣众菩萨！

南无历代祖师菩萨！

南无大圣紧那罗王菩萨！（三称）

### 变食真言

曩谟萨嚩怛他誝多。嚩嚩枳帝。唵。三跋啰·三跋  
啰。吽。（三遍）

### 甘露水真言

曩谟苏嚩婆耶。怛他誝多耶。怛姪他。唵。苏嚩。  
苏嚩。钵啰苏嚩。钵啰苏嚩。娑婆诃。（三遍）

此食色香味上供十方佛。中奉诸圣贤。下及六道品。  
等施无差别。随愿皆饱满。令今施者得。无量波罗蜜。  
三德六味供佛及僧。法界有情普同供养。

### 普供养真言

唵，誝誝曩，三婆嚩，伐日啰斛。（三遍）

### 宣疏

南无大乘常住三宝！（三称）

### 唱赞

天厨妙供 禅悦酥醅 户唵苏嚩萨哩嚩 怛他阿誝多  
你也他 苏嚩娑嚩诃

南无禅悦藏菩萨摩诃萨摩诃般若波罗蜜

## 禄位前回向

### 上香

南无增福寿菩萨摩诃萨！（三称）

### 称圣号

南无消灾延寿药师佛！（三称）

### 药师灌顶真言（七遍）

nā mó qié pí jù bì lǎ là shé  
南 谩 薄 伽 伐 帝 。 鞞 杀 社 。 娑 嚩 薜 琉 璃 。 钵 喇 婆 。 喝 啰 阇  
dá tuō là miǎo bó dá zhī tuō  
也 。 怛 他 揭 多 耶 。 阿 啰 喝 帝 。 三 藐 三 勃 陀 耶 。 怛 姪 他 。 唵 。  
pí pí pí mò suō  
鞞 杀 逝 。 鞞 杀 逝 。 鞞 杀 社 。 三 没 揭 谛 莎 诃 。

### 延生赞

佛光注照 本命元辰 灾星退度福星临 九曜保长生  
运限和平 福寿永康宁

### 回向偈

愿消三障诸烦恼 愿得智慧真明了  
普愿罪障悉消除 世世常行菩萨道



地藏莲社于 2021 年 5 月制作